



# Tej Lus Sawvdaws Nquag Nug Txog

Caij Tsheb Dawb thiab Kev Pabcuam Mus Txhaj Tshuaj COVID-19

Rau Ntawm Cov Nras Winnebago, Outagamie, thiab Calumet

## Leej twg thiaj li muaj feem txais kev caij tsheb dawb mus txhaj tshuaj tiv thaiv kabmob no?

- Cov tibneeg uas nyob hauv lub nras Winnebago, Outagamie, thiab Calumet counties thiab muaj sijhawm twb teem tseg tuaj mus txhaj tshuaj COVID-19 rau ntawm cov nras no lawm.
- Yog koj xav tau kev pabcuam thaum caij tsheb lossis rau thaum koj tuaj mus rau koj lub sijhawm txhaj tshuaj ntawd, koj coj ib tug neeg tuaj nrog koj los tau thiab tus neeg ntawd caij tsheb dawb thiab xwb. Qhia rau lawv paub tias yuav muaj ib tug neeg tuaj nrog koj thiab thaum uas koj hu tuaj mus teem kom lawv tuaj thauj koj rau ntawm Make the Ride Happen xovtooj yog 920-225-1719.
- Yog koj tsis muaj neeg zov koj cov menyuam thiab yuav tsum coj cov menyuam nrog koj tuaj txhaj tshuaj xwb xwb li, cov menyuam no caij tsheb los caij dawb thiab xwb. Thov qhia rau lawv paub tias muaj menyuam yuav nrog caij tsheb thiab thaum uas koj hu mus rau ntawm Make the Ride Happen at 920-225-1719.

## Dabtsi thiaj suav tau tias yog qhov navmaim mus txhaj tshuaj tiv thaiv?

- Kev mus thiab rov qab los ntawm thaum mus txhaj tshuaj COVID-19 rau ntawm cov nras Winnebago, Outagamie, thiab Calumet counties, suav tej chaw kuaj mob, tsev khomob, chaw muab tshuaj, thiab tej qho chaw uas txhaj tshuaj rau pejxeem sawvdaws xwsl Sunnyview Expo Center thiab Fox Cities Exhibition Center.
- Yog hais tias yuav tsum rov qab mus txhaj koob thib ob thiab, caij tej tsheb luam uas thauj pejxeem sawvdaw xwsl GO Transit thiab Valley Transit, lossis hu rau Make the Ride Happen at 920-225-1719 tuaj mus teem sijhawm thiaj tau caij tsheb tuaj mus txhaj koob tshuaj thib ob no. Kev caij tsheb tuaj mus txhaj tshuaj rau koob thib ob lawv yuav tsis teem kiag rau koj hnuv uas koj xub xub hu tuaj mus teem kom thauj koj mus txhaj koob tshuaj thib ib ntawd.
- Make the Ride Happen lawv yuav tsis, pab koj teem koj lub sijhawm mus txhaj tshuaj COVID-19. Make the Ride Happen tsuas pab teem sijhawm thauj koj mus rau ntawm koj qhov chaw txhaj tshuaj no xwb.. Yog xav paub mojkabsim ntiv txog kev yuav teem sijhawm txhaj tshuaj COVID-19, mus saib rau ntawm tej fai hauv tej zej zog thiab ntawm tej social media kom thiaj li paub meej tias tej kev txhaj tshuaj no niaj hnuv no zoo li cas lawm.

## Yuav siv kev caij tsheb li cas thiab kuv yuav teem sijhawm caij tsheb li cas?

- **TEJ TSHEB UAS PEJXEEM SAWVDAWS NIAJ HNUV SIV THIAB CAIJ**
  - Thaum nce tsheb, qhia rau tus tsav npav tias koj yuav mus txhaj tshuaj tiv thaiv COVID-19.

- tejzaum koj yuav tau hloov ob peb lub npav mamli mus txog qhov chaw txhaj tshuaj; nco qab ntsoov thov daim PIB DAWB uas hloov npav thaum uas koj xub caij lub npav thib ib ntawd.
  - Cov Chaw Caij Npav: GO Transit (Oshkosh and Neenah) thiab Valley Transit (Appleton, Buchanan, Grand Chute, Kaukauna, Kimberly, Little Chute, City of Menasha, Fox Crossing, and Neenah) cov no nyias yeej muaj nyias kev khiav
  - Muaj CAIJ DAWB rau ntawm tej qhov chaw caij tsheb thauj pejxeem sawvdaws no THIAB yog caij mus txhaj tshuaj tiv thiav tus kabmob no.
  - MUS SAIB rau ntawm GO Transit lossis Valley Transit's mus rau qhov Trip Planners hauv lub vajsab ntaus koj qhov chaw nyob thiab seb koj yuav caij mus rau qhov chaw twg. Nrhiav lub npav thiab txoj kev ze tshaj uas yuav thauj koj kom mus txog qhov chaw txhaj tshuaj ntawd.
  - Koj tsis tas yuav muab koj daim yuaj qhia lossis muab tej ntaub ntawv teem mus txhaj tshuaj tiv thaiv no qhia rau lawv.
  - GO Transit thiab Valley Transit cov tshav npav yuav hloov tsis tau txoj kev uas lawv niaj zaum khiav ntawd kom cia li tsav tuaj tos koj tom koj vaj koj tsev lossis thauj koj ncaj qha mus kom txog ntawm qhov chaw txhaj tshuaj tiv thaiv ntawd.
  - Yuav tsum npog daim ntaub npog qhov ncauj qhov ntswg thaum uas mus caij npav ntawm GO Transit thiab Valley Transit.
- **TEJ TSHEB THAUM NEEG MUS KHO MOB (PARATRANSIT)**
  - Cov Chaw: VT II (Valley Transit), City Cab thiab Running Inc (GO Transit)
  - Cov tibneeg uas xiam-oob-khab thiab muaj npe caij uas mus caij tsis tau tej npav uas thauj pejxeem sawvdaws thiab rau cov laus hnoob nyoog 60 xyoo rov saud xwb
  - CAIJ DAWB rau cov neeg uas muaj feem thiab muaj npe rau ntawm paratransit THIAB yog cov uas caij mus txhaj tshuaj tiv thaiv
  - Cov uas muaj npe caij ntawm paratransit lawv yuav tsum hu ib hnuv ua ntej tuaj mus teem sijhawm kom lawv tuaj thauj thiab qhia tias yog caij mus txhaj tshuaj tiv thaiv COVID-19. Cov neeg ua haujlwm teem sijhawm no lawv mamli sau ntawv me-ntsis qhia koj tus tsav npav paub tias tus neeg caij no tsis tas yuav kom nws them nyiaj rau lub sijhawm caij tuaj mus txhaj tshuaj tiv thaiv no.
  - Yuav tsum npog daim ntaub npog qhov ncauj qhov ntswg thaum caij paratransit.
- **KEV PABCUAM RAU COV TSWV CUAB UAS MUAJ NPE NTAWM BADGERCARE PLUS THIAB WISCONSIN MEDICAID UAS MUAJ FEEM CAIJ TSHEB UAS TSIS YOG CAIJ MUS NTSIB THAUM MUAJ KEV TI TES TI TAW**
    - Thaum uas koj teem tau sijhawm txhaj tshuaj COVID-19 lawm, yuav tau hu mus teem sijhawm caij npav rau ntawm MTM, Inc. xovtooj yog 866-907-1493 (TTY 711). Thaum uas teem sijhawm ntawd, lawv yuav nug txog koj daim yuaj tus zauv ntawm ForwardHealth ID thiab qhov chaw txhaj tshuaj ntawd.
    - Qhov no suav tej sijhawm uas teem nyob rau tib hnuv ntawd uas tuaj mus txhaj tshuaj rau tib hnuv ntawd ib yam nkaus.
- **CAIJ TASXIJ XWSLI CAB/UBER/LYFT**
    - Yog hais tias koj mus caij tsis tau tej npav uas thauj pejxeem sawvdaws lossis siv tsis tau cov npav uas thauj tibneeg mus kuaj mob nkaus nkaus ntawm no lossis tsis paub tias muaj lwm txoj kev ntxiv, hu rau Make the Ride Happen xovtooj yog 920-225-1719 tuaj mus teem sijhawm kom tau mus caij tej cab, Uber, Lyft, lossis lwm yam kev pabcuam caij tsheb.

- Nws muaj CAIJ DAWB rau cov tibneeg uas twb hu tuaj mus teem sijhawm rau ntawm Make the Ride Happen THIAB yog caij mus txhaj tshuaj tiv thaiv.
- Koj kev caij tasxij xwsli cab/Uber/Lyft tus neeg tsav ntawd nws yuav tsis nyob tos koj thaum uas koj nkag mus txhaj tshuaj tiv thaiv no lawm. Koj yuav tau teem sijhawm kom rov qab tuaj tos koj nrog rau ntawm Make the Ride Happen.

### Tej Mojkabsim uas kuv yuav tau qhia yog dabtsi?

- Thaum hu tuaj rau Make the Ride Happen xovtooj yog 920-225-1719, yuav tau npaj tej mojkabsim li nram no:
  - Chaw nyob
  - Chaw nyob ntawm qhov chaw txhaj tshuaj
  - Teem sijhawm tuaj tos thiab sijhawm rov qab
  - Yog tias koj muaj lwm tus neeg caij nrog koj thiab lossis yuav tau kom muaj tej laub tej pas nrig pab koj
- Yog koj hu MTM xovtooj yog 866-907-1493 (TTY 711) tuaj teem sijhawm, npaj tej mojkabsim li nram no:
  - Koj daim yuaj ForwardHealth ID (uas muaj nyob rau ntawm koj daim yuaj ForwardHealth card)
  - Qhov chaw nyob uas koj yuav mus txhaj tshuaj tiv thaiv ntawd
- Koj tsis tas yuav muab koj tej ntaub ntawv qhia tias koj mus txhaj tshuaj tiv thaiv COVID-19 es thiaj caij tej npav uas caij dawb ntawm no

### Kev caij npav dawb no nws yuav muaj caij ntev npaum li cas?

- Muaj thaum lub 3 Hlis tim 1 txog rau 12 Hlis tim 31, 2021

### Yog muaj lus nug/xav tau kev pabcuam:

- Yog tias koj muaj lus nug txog kev caij npav caij tsheb lossis tabtom xav txog kev caij tsheb lossis yuav teem sijhawm caij tsheb caij npav li cas, hu rau Make the Ride Happen xovtooj yog 920-225-1719.